

Script of Evening Gojri News Bulletin 19 July 2024 at 1700 Hrs

ایوننگ گو جری نیوز بلیٹن مورخہ 19 جولائی 2024

یوہ آکا شوانی جموں بے مشرف اعظیم تے نصرت چودھری تیں خبر سنو۔ پہلاں خاص خاص خبر۔

- *1۔ ضلع پونچھ مانہہ بم ناکارہ بنان آلا دستا نے اک سرکاری منزل غی چھت تیں زندہ گرنیڈ نانہہ ناکارہ بنا غے اک بڑا حادثہ نانہہ ٹال دتو۔
- *2۔ عوامی شکایات تے پنشن بارے وزارت نے جموں مانہہ 54 ویں پری ریٹائرمنٹ کو نسلینگ ورکشاپ غو انعقاد کرایو ہے۔
- *3۔ وزیر اعظم نریندرمودی نے اپنا من کی بات پروگرام مانہہ لوکاں غی رائے دین با رے خوشی غو اظہار کویو ہے۔
- *4۔ تے یا ترا غے دوران امرناتہ یا تریاں غی حفاظت نانہہ مضبوط بنان با رے اک اضافی کنٹرول روم قائم کویو گویو ہے۔

خبراں غی تفصیل نال پہلاں مشرف اعظیم۔

Grenade Defused

بم ناکارہ بنان آلا دستا نے اج پونچھ ضلع مانہہ اک سرکاری عمارت غی چھت غے نال لب ن آلو زندہ گرنیڈ نانہہ ناکارہ بنا دتو۔ ٹریگرڈ بم غی دریافت تیں قریبی سرکاری کو آرٹر مانہہ خوف پھیل گویو۔ راجا سکھ دیو ضلع ہسپتال غے قریب اک سرکاری عمارت غی چھت ور کھیڈتاں واں کجھ بچاں نانہہ گرنیڈ ملیو تھو تے پولیس نانہہ اطلاع دتی گئی۔ پولیس فوری طور ور پچی علاقہ نانہہ محفوظ کویو تے رہایشیاں، ہسپتال غا عملہ غی حفاظت نانہہ یقینی بنایو گویو۔ دستی بم نانہہ ناکارہ بنان واسطے بم ناکارہ بنان غا ماہرین نانہہ طلب کویو گویو۔ پولیس غو خیال ہے کہ کسی نے دستی بم پھینکیو تے نس گویو۔ لیکن یوہ نہیں پھٹیو۔ تحقیقات شروع کر دتی گئی ہے تے پولیس نے لوکاں تیں کہیو ہے جے چوکس ریں تے کسی وی مشکوک سرگرمی غی اطلاع حکام نانہہ دیں۔

Workshop Dr Jatinder Singh

پنشن تے عوامی شکایات بارے وزارت نے جموں مانہہ 54 ویں پری ریٹائرمنٹ کو نسلینگ ورکشاپ منعقد کروائی ہے۔ یاہ ورکشاپ سبکدوشی بارے تیاریاں غی ضرورت بارے کنونشن مرکز مانہہ مرکزی وزیر ڈاکٹر جتندر سنگھ غی زیر اہتمام ہوئی ہے۔ جس مانہہ سیکریٹری (ڈی اے آر پی جی) شری وی نواس تے سابق چیف سیکریٹری بی آر شرما وی موجود تھا۔ اس ورکشاپ مانہہ سبکدوش ہون آلا ملازمین نانہہ انو بھاؤ ایوارڈ سکیم، جیون پرمان، پنشن پورٹل، سینٹرل گو رنمنٹ ہیلتھ سکیم تے کجھ بور سکیمان بارے دسیو۔ ڈاکٹر سنگھ نے کہیو ہے سرکار ملازمین نانہہ سبکدوشی توں بعد تمام طر سہولیات دین با رے وعدہ بند ہے۔ اُن نے اس طرح کہیو۔۔۔ بانٹ۔

PM Mann Ki Baat

وزیر اعظم نریندرمودی نے اپنا آن آلا من کی بات پروگرام واسطے لوکاں غی رائے موصول ہون ور خوشی غو اظہار کویو ہے۔ یوہ پروگرام اس مہینہ غی 28 تا ریخ نانہہ نشر

وے گو۔ سماجی میڈیا ور اک پوسٹ سانجھی کرتاں واں اُن نے اس گل با رے خوشی غو
اظہار کیو تے کہیو ہے جے یاہ اک خوشی آلی گل ہے جے مہارا نوجوان اپنا سماج غی پلانی
بہتری واسطے اک سانجھی کوشش نال آگے بدھ رہیا ہیں۔ وزیر اعظم نے لوکاں توں اپیل کی
ہے جے وے من کی بات واسطے اپنی رائے مانی گوو، نمو ایپ یاہ 18000117800 ور
ریکارڈ کرا وین۔

DC Reasi Meeting

ضلع ترقیاتی کمشنر ریا سی و شیش مہاجن نے بوٹل تے ریستورینٹ ایسو سی ایشن کٹڑا
تے خاص کر سیاحان نانہہ رہا نش دین آلاں سنگ اک میٹنگ منعقد کی۔ اس میٹنگ مانہہ اُن
نے فیصلو لیو جے کٹڑا نانہہ شمالی بھارت مانہہ شادی بیہہ غا مقام غا طور ور انتخاب کرن
واسطے تیار کیو جائے۔ ڈی سی موصوف نے شری ماتا ویشنو دیوی شرانین بورڈ نانہہ اس
گل غی درخواست کی ہے جے وے اُن آلا دائرین نانہہ تمام سہولیات دستیاب کریں۔ اس موقع
ور بولتاں واں اُن نے اس طرح کہیو۔۔ بانٹ۔۔

CBI NEET Arrest

سی بی آئی نے رانچی انسی ٹیوٹ آف میڈیکل سائنس غا اک طالبہ نانہہ انڈر گریجوٹ نیٹ
پیپر لیک معاملہ مانہہ گرفتار کیو ہے۔ سوربی کماری نامی یاہ لڑکی ادارہ غی ایم بی بی ایس
2023 بیچ غی اک طالبہ تھی نانہہ پوچھ تاچھ غے دوران گرفتار کیو ہے۔ سی بی آئی نے
اس غا مو بائل فون، لیپ ٹاپ تے باقی الیکٹرانیک سامان نانہہ وی ضبط کر لیو ہے۔ مذکورہ
طالبہ جہارکھنڈ غا ضلع رام گھڑھ غی بسنیک تھی جس نانہہ نیٹ امتحان غا پیپر حل کرن غا
عوض مانہہ وی شامل ہے۔

JK Police Advisory

جموں کشمیر پولیس نے اک دغاباز جہیڑو اپنا آپ نانہہ دائریکٹر جنرل آف پولیس آر آر
سون ہون غو داعوو کر رہیو تھو ور قانونی کا روائی شروع کی ہے۔ جہیڑو
8891979985 موبائل نمبر استعمال کر رہیو تھو جموں کشمیر پولیس نے عوام تے
قانون نافذ کرن آلا افراد ور زور پایو ہے جے وے اس شخص نال تحقیق توں پہلاں گل بات
کرن توں گریز کریں۔ نال ہی تمام پولیس افسران، ساتھی تے خاص کر عام عوام نانہہ اس
جلساز سنگ کسے وی طرح غی بات چیت توں گریز کرن واسطے کہیو گیو ہے۔

یہ خبر تم آکا شوانی جموں تیں سن رہیا ہیں خبراں غا باقی حصہ نال نصرت چودھری۔

Ramban Amarnath Yatra

رام بن ضلع مانہہ امرناتھ یا تریاں واسطے حفاظت نانہہ یقینی بنان تے این ایچ 44 غے نال
تمام 36 لنگراں مانہہ تے اس غے کول کال غی سرگرمیاں ور گہری نظر رکھن واسطے چندر
کوٹ مانہہ یا تری نواس غے علاوہ اک امرناتھ یا ترا کنٹرول روم ڈپٹی کمشنر رام بن بسیر
الحق غا دفتر مانہہ قائم کیو گیو ہے۔ رام بن غا ایڈیشنل ڈپٹی کمشنر ورون جیت سنگھ چاڑک
غے مطابق وے امرناتھ یا ترا غا انتظام غا نوڈل افسر وی ہیں، ہر لنگر، یا تری نواس تے
دیگر قیام گاہ مانہہ نصب سی سی ٹی وی کیمرا غا نیٹ ورک غے ذریعے جمع کی گئی فوٹیج
غی نگرانی کی جائے۔ کنٹرول روم مانہہ کمپیوٹر ور ترتیب یا فتنہ ملازم 24 گھنٹا رہیں۔
انہاں نے اس طرح کہیو۔۔ بانٹ۔۔

Udhampur Police

اُدھم پور پولیس نے پہاری مقدار مانہ پُکی برآمد کر کے منشیات غی سمگلنگ غی کو شش نانہہ ناکام بناویو تے اک شخص نانہہ 3 سو 44 کلو گرام پُکی غے نال نا کا پوائنٹ زیرو موڑ چینی ور گرفتار کیو۔ ابتدائی پوچھ تاچھ ور ڈرائیور نے اپنی شناخت ہر پریت سنگھ بسنیک جستانہ کھرد ڈیرہ بسی محلہ پنجاب غا طور ور ظاہر کی۔ مذکورہ ملزم نانہہ موقع ور گرفتار کر لویو گیو۔ اس سلسلہ مانہہ پولیس سٹیشن چینی مانہہ این ڈی پی ایس ایکٹ غے تحت مقدمہ درج کیو گیو ہے تے معاملہ غی جانچ شروع کی گئی ہے۔

Purple Revolution Udhampur

اُدھم پور ذراعت شعبو خوشگوار تبدیلی واسطے خاص اہمیت رکھے۔ جموں کشمیر غا ضلع اُدھم پور غی تحصیل رام نگر غا انچا گراں مانہہ محکمہ ذراعت نے 100 کنال اراضی مانہہ 5 لکھ لوینڈر غا پوداں غی کا شت کی ہے۔ اس نال اُدھم پور مانہہ لیونڈر غی کا شت خاص ترجیح غو مرکز بن گیو ہے۔ اس علاقہ مانہہ مقامی کا شتکاراں نانہہ پودا تقسیم کیا گیا ہیں۔ جس نال ان کا شتکاراں نانہہ ڈگنو فاندو وے گو۔ دوجو یوہ جے اس غی کا شت سنگ کیڑاں تے جنگلی جانوراں خاص کر بندراں توں وی راحت ملے گی۔ اس موقع ور بولتاں واں ڈی سی اُدھم پور سلونی رائے نے آکا شوانی غا نامہ نگر سنگ گل کرتاں واں اس طرح کہیو۔۔۔ بانٹ۔۔۔

DDC Poonch

ضلع امداد بابمی ترقیاتی کمیٹی نے ضلع ترقیاتی کمشنر یسین محمد چودھری غی صدارت مانہہ اج اک اہم اجلاس طلب کیو۔ میٹنگ غے دوران کئی اہم معاملات ور تبادلہ خیال کیو گیو۔ جس مانہہ ماڈل ہائیڈرو پاور پراجیکٹس اپنانو تے پرنمری ایگریکلچرل کریڈیٹ سو سائٹی غی جدید کاری ور زور دتو گیو۔ ان اقدامات غو مقصد پی اے سی ایس نانہہ جدید کرنو ہے تانجے ان غی کا کردگی تے خدمات غی فراہمی مانہہ بدھایو جا سکے۔ اسسٹنٹ ضلع ترقیاتی کمشنر سندیش شرما نے آکا شوانی نال گل کرتاں واں کہیو۔۔۔ بانٹ۔۔۔

Air Chief Techonolgy

فضائیہ غا وائس چیف مارشل امر پریت سنگھ نے اج کہیو ہے جے فضائیہ ور ٹیکنالوجی غا تشکیل سنگ اس غی ذمہ داریاں مانہہ باہدو آویو ہے۔ وے انرفورس اینڈ میزائل ڈفنس انڈیا سیمینار تے نمائش 2024 گا افتتاحی خطاب غے دوران بول رہیا تھا۔ اُن نے کہیو جے فضائیہ بُن ٹیکنالوجی غی شمولیت سنگ کافی مضبوط ہو گئی ہے۔ اُن نے کہیو جے بھارت نانہہ اس شعبہ مانہہ خود مختار ہونو ضروری ہے جس نال اس غا معیار مانہہ وی بہتری آوے گی۔

Asia Cup T20 Cricket

خواتین ایشیا کپ کرکٹ ٹی ٹوانٹی مانہہ دفاعی چیمپن بھارت ٹورنامنٹ غا پہلا تہاڑا غا دوجا مقابلہ مانہہ اج دمبولہ سری لنکا مانہہ پاکستان غے خلاف مہم غو آغاز کرے گی۔ ٹورنامنٹ غا آغاز مانہہ متحدہ عرب امارات تے نیپال بشکار کھیڈیو جا رہیو ہے جد کہ بھارت تے پاکستان غو مقابلو شام ویلے کھیڈیو جائے گو۔

اس غے نال ہی خبراں غو یوہ بلیٹن ختم ہوؤ۔